

元和郡縣志卷四十

唐 李吉甫 撰

隴右道

下案是卷涼州至庭州載開元貢而不載布麻之賦竝由傳寫遺缺

州八

涼州甘肅州沙州瓜州伊州西州庭州共縣二十五

涼州

武威中府

開元戶二萬六千一百六十五 鄉二十五

禹貢雍州之西界自六國至秦戎狄及月氏居焉後匈奴破月氏殺其王以其頭為飲器月氏乃遠過大宛西擊大夏而臣之匈奴使休屠王及渾邪王居其地漢武

元和郡縣志

卷四十

一

帝之討北邊休屠渾邪數見侵掠單于怒遣使責讓之二王恐見誅乃降漢漢得其地遂置張掖酒泉敦煌武威四郡昭帝又置金城一郡謂之河西五郡改州之雍州為涼州五郡皆屬焉地勢西北邪出在南山之間隔絕西羌西域于時號為斷匈奴右臂獻帝時涼州數有亂河西五郡去州隔遠自來別立州于是以五郡立為雍州魏又分雍州置涼州領河西五郡晉惠帝永寧元年以張軌為刺史持節領護羌校尉會永嘉之亂因保據涼州是為前涼至張天錫為苻堅所滅後十餘年又

爲呂光所據是爲後涼至呂隆爲姚興所滅及沮渠蒙  
遜起兵據張掖是爲北涼至沮渠茂虔爲後魏所滅及  
太武帝改州鎮置四軍爲成孝文帝太和十四年復爲  
涼州領武威等十郡二十縣周置總管府隋大業三年  
改爲武威郡廢總管隋末喪亂陷于寇賊武德二年討  
平李軌改爲涼州置河西節度使都管兵七萬三千人  
馬一萬八千八百匹  
斷隔羌胡統赤水軍在涼州城內管兵三萬三千馬一  
萬三千匹本赤烏鎮有青赤泉名  
焉軍之大者莫如赤水幅員五千  
里本赤烏鎮有青赤泉名  
軍守捉開元十六年改爲大斗軍因大斗枝  
谷爲名管兵七千五百人馬二千四百匹 建康軍證  
聖

元和郡縣志

卷四十

二

元年被賊抄遂于甘州西二百里置此軍管兵五千三百人  
馬一千二百匹東寧寇軍置管兵一千七百五十人馬五百  
匹 玉門軍肅州西二百餘里武德中楊恭仁置管兵千  
人肅州西三百里東去理所一千一百 墨離軍肅州西  
四百匹東北去理所一千四百餘里 新泉軍會  
州 西兵七千人西去理所四百里 豆盧軍涼州城內以當  
匈奴要路山川 迴闊人馬四百匹去理所一千七百餘里 張掖守捉東  
去理所五百里 交城守捉涼州西二百里 白亭軍  
涼州西北三千人 天寶元年改爲武威郡乾元元年復  
爲涼州廣德二年陷于西蕃州城本匈奴新築漢置爲

縣城不方有頭尾兩翅名爲鳥城南北七里東西三里  
地有龍形亦名臥龍城

州境

東西北八百里  
南西北三百里

八到

東北至上都取秦州路二千里取蘭皋路一千六  
十里

東南至東都二千八百六十里

貢賦

開元貢

野馬皮五張  
白小麥十石

細褐

柔毛氈

### 管縣五

姑臧

神烏

昌松

嘉麟

天寶

姑臧縣

上郭下

元和郡縣志

卷四十

三

本漢舊縣屬武威郡因姑臧山爲名亦言故匈奴蓋藏  
城後人因訛爲姑臧馬

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十  
年哥舒翰改置軍因白亭海爲名也

文車澤在縣東三十里前秦苻堅遣將軍苟萇毛盛將  
軍伐北涼造機械衝車于此因名

休屠城在縣北六十里漢休屠縣也

明威戍在縣北百八十里

武安戍在縣西北百六十里

武興鹽池眉黛鹽池並在縣界百姓咸取給焉

神烏縣 上舊郭下

本漢鸞鳥縣張天錫改置武興縣後廢武德三年又于城內置神烏縣與姑臧分理神烏理西姑臧理東貞觀元年廢總章元年又置也

昌松縣 中西北至州一百二十里

本漢蒼松縣屬武威郡後魏置昌松郡縣屬焉隋開皇

元和郡縣志

卷四十

四

三年改昌松爲永年縣後以重名復爲昌松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬戍在縣東北五十里

嘉麟縣 中下東南至州七十里

本漢宣威縣地前涼張軌于此置興武郡後涼呂光改置嘉麟縣後廢萬歲通天元年重置

天寶縣 中下東至州一百八十里

涼沮渠蒙遜所殺據之後又遷理姑臧後魏太武乎涼  
以為張掖軍廢帝二年改軍置甘州因州東甘峻山為  
名或言地多甘草故名隋大業三年罷州為張掖郡隋  
亂陷賊武德二年討平李軌改置甘州永泰二年陷于

西蕃

州境

東南西北一千三百七十里

八到

東南南至東都三千五百里  
東南南至東都三千五百里

東北至涼州五百里  
東北至涼州門山一千四百五十里

南至大雪山二百三十里  
南至肅州四百二十里

貢賦

開元貢

野馬皮

白柰

枸杞

管縣二

張掖

刪丹

張掖縣

下郭下

本漢槃得縣屬張掖郡本匈奴槃得王所居因以名之  
晉改名永平隋開皇三年改永平爲酒泉縣大業二年  
改爲張掖縣取舊郡爲名也皇朝因之

合黎山俗名要塗山在縣西北二百里禹貢導弱水至  
于合黎

元和郡縣志

卷四十

六

祁連山在縣西南二百里張掖酒泉二界上美水茂草  
山中冬溫夏涼宜放牧牛羊充肥乳酪濃好夏瀉酥不  
用器物置于草上不散作酥特好一斛酪得斗餘酥  
雪山在縣南一百里多材木箭竿

甘峻山在縣東北四十五里出青鵠鷹稱爲奇絕常充  
貢獻

居延海在縣東北一百六十里卽居延澤古文以爲流  
沙者風吹流行故曰流沙

鹽池在縣北九百三十里其鹽潔白甘美隨月虧盈周

迴一百步

建昌軍在州西北一百九十里

刪丹縣

中下西至州一百二十里

本漢舊縣屬張掖郡按焉支山一名刪丹山故以名縣山在縣南五十里東西百餘里南北二十里水草茂美與祁連同匈奴失祁連焉支二山乃歌曰亡我祁連山使我六畜不繁息失我焉支山使我婦女無顏色

弱水在縣南山下

大斗枝谷在縣南二百里隋大業五年煬帝躬率將士

元和郡縣志

卷四十

七

出西平道討吐谷渾還此谷會大霖雨士卒凍餒死者十六七

寧寇軍在居延水兩汉中天寶二年置

肅州

酒泉下

開元戶二千二百五十三

鄉八

禹貢雍州之域古西戎地也六國時月氏居焉後爲匈奴所逐奔逃西徙匈奴得其地使休屠昆邪王分守之武帝元狩二年昆邪王殺休屠王并將其衆來降以其地爲武威酒泉郡以隔絕胡與羌通之路以城下有泉

其味若酒故名酒泉初屬張軌後涼呂光復據有其地後魏道武帝天興三年晉昌太守唐缺移檄六郡推武昭王爲主爲大都督涼公秦涼二州牧自敦煌遷都于此號西涼王後沮渠蒙遜復據有其地後魏太武帝平沮渠氏以酒泉爲軍屬敦煌鎮明帝孝昌中改鎮立瓜州復置酒泉郡隋開皇三年罷郡立酒泉鎮所領縣並屬甘州仁壽二年以境宇遼遠分甘州置肅州隋末陷于寇賊武德元年河右底定復于酒泉縣置肅州大歷元年陷于西蕃

元和郡縣志

卷四十

八

州境

東西南北五百六十里

八到

東南至上都二千九百六十里  
東南至東郡二千七百六十里

東至甘州四百里  
南至吐蕃雪嶺二千五百里  
西北至葭蘆泉五百里

貢賦

開元貢

野馬皮

礪石

肉蓯蓉

柏脉根

管縣三

酒泉

福祿

玉門

酒泉縣

中郭下

本漢福祿縣也屬酒泉郡自漢至隋不改義寧元年分

置酒泉縣初西涼武昭王自敦煌遷都于此至子歆爲沮渠蒙遜所破

崑崙山在縣西南八十里周穆王見西王母樂而忘歸卽此山

洞庭山在縣西七十里四面懸絕人不能上遙望燄燄如鑄銅色山中出金

白亭海在縣東北百四十里一名會水以衆水所會故曰會水以北有白亭故曰白亭海方俗之間河北得水便名爲河塞外有水便名爲海

元和郡縣志

卷四十

九

遮虜障在縣北二百四十里李陵與單于戰處隋鎮將楊立于其地得銅弩牙箭鏃

西涼武昭王陵在縣西十五里

福祿縣

中下西至州二百里

本漢樂涇縣屬敦煌郡後魏太武帝平沮渠茂虔改縣爲戍隸敦煌鎮孝文帝改爲樂涇縣隋改縣爲鎮武德二年置福祿縣取舊名也

崆峒山在縣東南六十里黃帝西見廣成子于崆峒漢武帝行幸雍祠五時遂登崆峒並爲此山也

祁連戍在縣東南一百二十里

鹽池在縣東北八十里周迴百姓仰給焉

玉門縣

中下東至州二百二十里

本漢舊縣屬酒泉郡漢罷玉門關屯戍徙其人于此因以名縣後魏孝明帝改爲玉門郡周武帝省入會稽縣隋開皇十年復改爲玉門縣皇朝因之

金山在縣東六十里山金

獨登山在縣北十里其山出鹽鮮白甘美有異常鹽取充貢獻

元和郡縣志

卷四十

十

石脂水在縣東南一百八十里泉有苔如肥肉燃之極明水上有黑脂人以草蓋取用塗鴟夷酒囊及膏車周武帝宣政中突厥圍酒泉取此脂燃火焚其攻具得水愈明酒泉賴以獲濟

玉門軍開元中玉門縣爲吐蕃所陷因于縣城置玉門軍天寶十四年哥舒翰秦廢軍重置縣

沙州

燉煌下府

開元戶六千四百六十六

縣一十三

禹貢雍州之域古戎地也左傳所謂允姓之戎居于瓜

州注云在今敦煌是也漢武帝元鼎六年分酒泉置敦煌郡今州卽其地也前涼張駿于此置沙州蓋因鳴沙山爲名流沙卽居延澤也以西胡校尉楊宣爲刺史後三年宣讓州復改爲敦煌郡涼武昭王初都于此後又遷于酒泉後魏太武帝于郡置敦煌鎮明帝罷鎮改瓜州爲敦煌郡尋又改爲義州莊帝又改爲瓜州隋大業三年又罷州爲敦煌郡隋末喪亂陷于寇賊武德二年西士平定置瓜州五年改爲沙州建中二年陷于西蕃皇朝以敦煌爲燉煌

元和郡縣志

卷四十

十一

州境

案州境里數傳寫缺

八到

東南至上都三千七百里  
東南至東都四千五百六十里

東至瓜州三百里  
西至石城鎮一千五百里

西至吐蕃界三百里  
北至伊州七百里

貢賦

開元貢野馬皮石膏碁子石特羊角

管縣二

燉煌 壽昌

燉煌縣

上郭下

本漢舊縣也屬敦煌郡周武帝改爲鳴沙縣以界有鳴

沙山因以爲名隋大業二年復爲敦煌敦大也以其開廣西域故以盛名

三危山在縣南三十里山有三峯故曰三危尙書竄三苗于三危卽此山也

鳴沙山一名神沙山在縣南七里今按其山積沙爲之峯巒危峭踰于山石四面皆爲沙壠背有如刀刃人登之卽鳴隨足頽落經宿風吹輒復如舊有一泉水名曰沙井綿歷古今沙填不滿水極甘美

懸泉水在縣東百三十里出懸泉山漢將李廣利伐大宛還士衆渴乏引佩刀刺山飛泉湧出卽此也水有靈車馬大至卽出多小至卽出少

鹽池在縣東四十七里池中鹽常自生百姓仰給焉

壽昌縣 中下東至州一百五里

本漢龍勒縣因山爲名屬敦煌郡周武帝省入鳴沙縣大業十一年于城內置龍勒府武德二年改置壽昌因縣南壽昌澤爲名也

龍勒水在縣南百八十里龍勒山上李陵發兵至遮虜障東浚稽山南龍勒水上徘徊觀虜所見卽此水

陽關在縣西六里以居玉門關之南故曰陽關本漢置也謂之南道西趣鄯善莎車後魏嘗于此置陽關縣周廢

玉門故關在縣西北百一十八里謂之北道西趣車師前庭及疏勒此西域之門戶也班超在西域上疏曰臣幸得護西域如自以壽終屯部誠無所恨恐後代謂臣沒西域臣能無依風首丘之思哉臣不敢望到酒泉郡但願生入玉門關卽此是也

豆盧軍神龍元年置在州城內

元和郡縣志

卷四十

十三

瓜州

晉昌下府案戶鄉數傳寫缺

本漢酒泉郡元鼎六年分酒泉置敦煌郡今州卽酒泉敦煌二郡之地晉惠帝又分二郡置晉昌郡周武帝改爲永興郡隋開皇三年罷郡按隋瓜州卽今沙州也大業三年改瓜州爲敦煌郡武德五年改瓜州別于晉昌置瓜州地出美瓜故取名焉狐食其瓜不見首尾大曆十一年陷于西蕃

州境

東三百九十三里南北六百八十四里

八到

東南至上都三千四百里東南至東都四千二百六十里

東南至肅州四百八十里  
南至大雪山二百四十里  
西至沙州三百里

貢賦

開元貢

草鼓子

吉莫皮

管縣二

晉昌

常樂

晉昌縣

中下郭下

本漢冥安縣屬敦煌郡因縣界冥水爲名也晉元康中改屬晉昌郡周武帝省入涼興郡隋開皇四年改爲常樂縣屬瓜州武德七年爲晉昌縣

元和郡縣志

卷四十

十四

雪山在縣南百六十里積雪夏不銷東南九十里南連吐谷渾界

冥水自吐谷渾界流入大澤東西二百六十里南北六十里豐水草宜畜牧

玉門關在縣東二十步

合河戍在縣東北八十里在州西二百步蓋神龍元年置也

常樂縣

中下東至州一百一十五里

本漢廣至縣地屬敦煌郡魏分廣至置宜禾縣後魏明

帝改置常樂郡隋于此置常樂鎮武德五年置常樂之縣也

伊州 伊吾下

開元戶一千七百二十九 鄉七

禹貢九州之外古戎地古稱昆吾周穆王伐西戎昆吾獻赤刀後轉爲伊吾周衰戎狄雜居涇渭之北伊吾之地又爲匈奴所得及秦始皇攘戎狄築長城以界中國漢武時驃騎將軍擊破匈奴右地始築令居以西初置酒泉郡後分置武威張掖敦煌列四郡據兩關焉兩關

元和郡縣志

卷四十

十五

卽陽關玉門也王莽時地屬匈奴後漢明帝永平十六年北征匈奴取伊吾盧地宜禾都尉以爲屯田兵鎮之所未爲郡縣後復爲匈奴所得自建武至于孝和三通三絕至順帝時以伊吾舊膏腴之地傍近西域匈奴資之以爲鈔暴開設屯田如故事置伊吾司馬一人至魏立伊吾縣晉立伊吾都尉並寄理敦煌北界非今之伊州後魏及周又有鄯人來居之隋大業六年得其地以爲伊吾郡隋亂又爲羣胡居焉貞觀四年胡等慕化內附于其地置伊川

案

是州據唐書地理志元和時亦久陷吐蕃此所敘未全

州境東北西四百九十里

八到東南至東都五千三百三十里

東南取莫賀磧路至瓜州九百里

正南微東至沙州七百里

貢賦開元貢 刀 陰牙角

管縣三

伊吾 柔遠 納職

伊吾縣下郭下

本後漢伊吾屯貞觀四年置縣

元和郡縣志

卷四十

十六

天山一名白山一名折羅漫山在州北一百二十里春

夏有雪出好米及金鐵匈奴謂之天山過之皆下馬拜

鹽池海在縣南三百里周迴百餘里州東北四澗水竝

南流至州南七八里合流為一水側近皆有良田

柔遠縣下西北至州一百四十里

貞觀四年置縣東有柔遠故鎮因以為名兼置守捉

天山在縣北二十里

柳谷水有東西二源出縣東北天山南流十五里合

納職縣下東北至州一百二十里

鹽月滿則鹽多而甘月方則鹽少而苦

西州

交河中都督府

開元戶一萬一千六百四十七

鄉二十四

本漢車師國之高昌壁也後漢和帝永元三年班超定西域以超爲都護復置戊己校尉治車師前部高昌壁以其地勢高敞人物昌盛因名高昌晉成帝咸和中張駿置高昌郡後魏太武時有闕爽者自爲高昌太守真君中爽爲沮渠無諱所襲奪據之無諱死弟安周代立爲蠕蠕所併蠕蠕以闕伯周爲高昌王高昌之稱王自

此始也太和初伯周死子義咸立歲餘爲其從兄首歸所殺自立爲高昌王五年阿伏至羅殺首歸以敦煌孟明爲高昌王太和二十年孟明爲國人所殺立馬儒爲王以麴嘉爲長史遣使內附高昌人戀本土不願東遷相與殺王而立麴嘉麴嘉卒子堅立堅卒子伯雅來朝隋煬帝以宇文氏女玉波爲華容公主妻之伯雅卒子文泰立遣使貢獻其後漸失臣禮貞觀十四年詔兵部尙書侯君集統薛萬鈞牛進達等總兵討之文泰病死子智盛立八月君集進兵破之下其二十二城獲戶八

元和郡縣志

卷四十

十八

千列其地爲西州並置安西都護以統之顯慶三年置都督府天寶元年復爲西州貞元七年沒于西蕃

州境

東西北西八百九十五里  
南四百八十六里

八到

東南至上都五千里  
東南至東都五千里

東南至金沙州一千四百里  
東北至伊州七百三十里

南至樓蘭國一千二百里並沙磧難行  
西南至烏耆七百二十里

北自金婆嶺至北庭都護府五百里

貢賦

開元貢

氈毛

乾葡萄

刺蜜

管縣五

前庭 柳中 交河 天山 蒲昌

前庭縣

上郭下

貞觀十四年置高昌縣取舊高昌國爲名也天寶元年改爲前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其味甚美澤間有草名爲羊刺其上生蜜食之與蜂蜜不異名曰刺蜜有鹽其狀如玉取以爲枕貢之中國

柳中縣

中下西至州三十里

元和郡縣志

卷四十

十九

貞觀十四年置當驛路城極險固

天山在縣東北

大沙海在縣東南九十里

交河縣

中下東南至州八十里

本漢車師前王庭也按車師前王國理交河城自漢迄于後魏車師君長相承不絕後魏之後湮滅無聞蓋爲匈奴所併高昌據其地貞觀十四年于此置交河縣與州同置

交河出縣北天山水分流于城下因以爲名

天山縣 上東至州一百五十里

貞觀十四年置

蒲昌縣 中下西南至州一百八十里

貞觀十四年置本名金蒲城車師後王庭也

天山軍在州城內開元二年置本漢車師後王庭烏孫

之東境也貞觀十四年置

庭州 北庭上都護府

開元戶二千六百七十六 鄉五

庭州因王庭以為名也後為賊所攻掠蕭條荒廢顯慶

元和郡縣志

卷四十

二十

中重修置以來濟為刺史理完葺焉請州所管諸蕃奉

敕皆為置州府以其大首領為都督刺史司馬又置參

將一人知表疏等事其俗帳居隨逐水草帳門皆向東

開門向慕皇風也其漢戶皆龍朔以後流移人也長安

二年改置北庭都護府按三十六蕃開元二十一年改

置北庭節度使 都管兵二萬人馬五千 以防制突騎施

堅昆斬啜 西北去突騎施三千餘里北堅昆 管瀚海軍

北庭都護府城內長安二年初置燭龍軍三年郭元振

人為湖海軍開元中蓋嘉運重加修築管兵一萬二千

二百匹 天山軍 西州城內開元二年置管兵五百里 伊吾

軍伊州西北三百里 兵于西人馬三百匹 在露川景龍四年置 管

州境案州境里數傳寫缺

八到東南至上都六千一百三十里 東南至上都六千一百三十里

東南至西州五百七十里

東至回鶻二千二百二十里

西至碎葉二千一百里

貢賦開元貢速陰牙角內沙阿魏延胡索

管縣三

後庭 蒲類 輪臺

元和郡縣志 卷四十 二十一

後庭縣下郭下

貞觀十四年于州南置蒲昌縣長安二年改爲金蒲縣

寶應元年改爲後庭縣

蒲類縣下南至州十八里

貞觀十四年置因蒲類海爲名先天二年爲默啜所陷

開元十四年復置

輪臺縣下東至州四十二里

長安二年置

清海軍在州西七百里舊名鎮城鎮天寶中改名清海

軍

俱六鎮在州西二百四十里當碎葉路

憑落鎮在州西三百七十里

神仙鎮在州南五十里當西州路

沙鉢鎮在州西五十里當碎葉路

蒲類鎮在蒲類縣西

郝遮鎮在蒲類縣東北四十里當回鶻路

鹽泉鎮在蒲類東北二百里當回鶻路

特羅堡子在蒲類縣東北二百餘里四面有磧置堡子

元和郡縣志

卷四十

二十二

處周迴約二千里有好水草卽往回鶻之東路

元和郡縣志卷四十